

# Tusagassiuutinut tapiissuteqartarneq pillugu Namminersorlutik Oqartussat nalunaarutaat

Kulturikkut ingerlatsineq sunngiffimmilu sammisassaqtitsineq pillugit Inatsisartut peqqussutaanni nr. 10, 21. maj 2002-meersumi § 31 naapertorlugu aalajangersarneqarpoq:

## Kapitali 1

### Atuuffia

**§ 1.** Aningaasaliissutit aningaasanut inatsimmi aalajangersarneqartut iluanni Naalakkersuisut suliniutinut inuaqatigiinnut paassisutissat allatat siammaannissaannik siunertaqartunut tapiissuteqartarput, tamatumani ilaattillugit demokratiskiusumik oqallinneq tusagassiuutitigullu tamatiguussuseq.

**§ 2.** Tapiissutit tunniunneqassapput suliniutip pilersinnissaanut inerisarnissaanulluunniit.

*Imm. 2.* Suliniutit isigineqarpoq ingerlassaq piffissami killilikkami ingerlanneqartoq, aalajangersimasunik anguniagaqarfiusut inerneqartussanulluunniit.

*Imm. 3.* Suliniutit tusagiortutut nammineerluni suliaasimasut siammaannissaannik siunertaqartut tapiiffigineqartassapput, tamatumunnga ilanngullugit misissueqqaarnerit.

*Imm. 4.* Tusagassiorfiit sumulluunniit attuumassuteqanngitsut pioreersut allatut ingerlatsilernissaat ineriaortinnissaalluunniit siunertalaralugu suliniutit ineriaortinnissaannut tapiissuteqartoqartassaaq.

*Imm. 5.* Tapiissutit tusagassiuuteqarnermik ingerlatsisup suliffianut ingerlatsinermut tapitut, nalinginnaasumik suliaqarnermut tapiissutit tunniunneqarsinnaanngillat.

**§ 3.** Tusagassiuutinit arlaannaannulluunniit attuumassuteqanngitsunit, naqitanik imaluunniit allatanik internet-ikkoortitanik nutaarsiassaqtitsisunit ullutsinneersulerisunillu, suliniutinut aallartitanut ingerlanneqartunullu tapiisoqartassaaq, taakku imarisaat malinnaasunut kalaallinut naatsorsunneqarlutik aaqqissugaappata, imaluunniit nunani allani pisunik Kalaallit Nunaannut naleqqussaaneruppata.

*Imm. 2.* Tusagassiuuteqarfiit arlaannaannulluunniit atanngitsutut isigineqassapput:

- 1) pisortanit, suliffeqarfinnit imaluunniit ingerlatseqatigiiffinnit pisortanit aningaasalersorneqartunit assigisaannilluunniit tamakiisumik ilaannakortumilluunniit pigineqarunik imaluunniit
- 2) tusagassiuuteqarfiup minnerpaamik affaa sulisitsisut, sulisartut, suleqatigiit soqutigisaqaqatigiilluunniit kattuffiinit pigineqarpat, taakkununnga ilanngullugit politikkikkut partiit.

*Imm. 3.* Tusagassiuutit naqitatut isigineqarput aviisit, atuagassiat saqqummersitalluunniit taakkununnga assingusut.

*Imm 4.* Tusagassiuutit allatatut internet-ikkoortitatut isigineqarput internetikkut tusagassiuutit allataanerusut. Assitalinerit nipitaliinerillu annikinnerusumik ilaasinnaapput, allatamik erseqqissaataagunik.

## Kapitali 2

### *Tapiissutisinissamut piumasaqaatit*

**§ 4.** Suliniutinut, nalunaarutip atuuifiata iluaniittunut, suliniutip tapiiffigineqarsinnaatitaasup missingersuutaasa 70 %-iat angullugu tapiisoqarsinnaavoq, §§ 5-6-mi piumasaqaatit piviusunngortinneqarsimappata.

**§ 5.** Tapiissutinik qinnuteqartoq tassaassaaq

- 1) tusagassiivik namminersortoq, tak. imm. 2,
- 2) piffissaq tapiiffigineqartoq tamaat akisussaasumik aaqqissuisoqartoq,
- 3) aaqqissueqataasunik sulisoqassaaq, akisussaalluni aaqqissusoq peqatigalugu minnerpaamik ukiumut suliffit pingasut amerlaqataannik, qinnuteqartup suliffik ukumi qinnuteqarfiusumi imaluunniit ukioq qinnuteqarfik sioqqullugu ukumi pilersissimanngippagu,
- 4) namminerisamik tusagassortutut sulianik saqqummiisoq, annermik qulequttanik politikkimut, inuiaqatigiinnut kulturimullu tunngasunik imaqtunik, taakkualu minnerpaamik affaat tassaassallutik saqqummiussat aaqqissukkat, pileraarutit ilaatinagut, qulequttat tamatigoortut iluanni allaaserisatut iluseqarlutik, soorlu nunami namminermi pissutsinut, nunanut allanut, kulturimut najukkamilu pissutsinut tunngasuullutik, aamma nutarsiassanik ullutsinneersunik sammisaqarlutik,
- 5) atuisunut siamasissumik saaffiginnituussaaq, taamaallaallu inuussutissarsiortunut imaluunniit assigiimmik sulialinnut, sulisitsut, sulisut imaluunniit assigiinnik suliallit kattuffiinut, partiinut suliffeqarfinniluunniit assigiinngitsuni sulisunut aalajangersimasunut saaffiginnituussanani,
- 6) minnerpaamik qaammammut ataasiarluni saqqummertassaaq, imaluunniit ullaat tamaasa nutarterneqartarluni – tamatumani internet-ikkut tusagassiineq pineqarpal,
- 7) nuna tamakkerlugu atuisullu assigiimmik atugassaqartillugit saqqummiunneqassaaq, tamanillu takuneqarsinnaalluni,
- 8) annikinnerpaamik kalaallisut saqqummissaaq
- 9) Kalaallit Nunaanni angerlarsimaffeqassaaq.
- 10) tusagassiornermi suliniutip niuernermi pilersaarummi aningaasatigut imminut nappassinnaanera takutinnejassaaq aamma
- 11) tapiissuteqarnermi piumasaqataasinnaasut eqqortinneqassapput.

*Imm. 2.* Tusagassiuut namminersortutut isigineqassaaq, tak. imm. 1, nr. 1, namminerisaminik aaqqissuisuuneqaruni. Tusagassiuutinit allatanit aammattaaq piumasaavoq, naqinnejarnerisa amerlassusaat immikkut nalunaarsorneqarsinnaassasut, aamma immikkut pisartagarineqarsinnaassasut.

**§ 6.** Suliniut tapiiffigineqarsimasoq, suli marloriarluni tapiiffigineqaqqissinnaavoq, suliniut naammassereersimanngippat.

*Imm. 2.* Tusagassiuuteqarfik ukumi ataatsimi suliniutinut ataatsimik amerlanerusunut tapiissutinik qinnuteqaruni, qinnuteqaatit pingarnersiorlugit nassutiissavai.

## Kapitali 3

### *Tapiissuteqartarnermut ataatsimiititaliaq*

**§ 7.** Nalunaarut una naapertorlugu tusagassiuutinut tapiissutinik qinnuteqaatinik suliarinnittartussamik tapiissuteqarnissamillu aalajangiisartussamik ukiumut ataasiarluni ataatsimiitartussamik tapiissuteqartarnermut ataatsimiititaliamik Naalakkersuisut pilersitsissapput.

- Imm. 2. Ataatsimiititaliap suleriaasissaanik Naalakkersuisut aalajangersaassapput.*
- Imm. 3. Ataatsimiititaliap aalajangigai allaffissornermi oqartussanut allanut suliakkiissutigineqarsinnaanngillat.*
- Imm. 4. Kultureqarnermut Naalakkersuisoqarfimmit ataatsimiititaliamut allatseqarfik ingerlanneqassaaq.*
- § 8.** Ukuninnga innersuussereernikkut Naalakkersuisunit toqqarneqartartunik tapiissuteqartarnermut ataatsimiititaliaq pingasunik ilaasortaqaassaaq:
- 1) Ilisimatusarfik, ilaasortamik ataatsimik inuiaqatigilerinermermi ilisimasaqartumik innersuussisartoq,
  - 2) Tusagassiortut Kattuffiat, ilaasortamik ataatsimik tusagassiutilerinermerik ilisimasaqartumik innersuussisartoq,
  - 3) Kalaallit Nunaanni inatsisilerituut kattuffiat, ilaasortamik ataatsimik ingerlatsinermi inatsisinik aningaasaqarnermillu ilisimasaqartumik innersuussisartoq.
- Imm. 2. Ataatsimiititaliami ilaasortat 18-inik ukioqalereersimassapput aammalu Inatsisartunut, Folketingimut kommunalbestyrelsinullu ilaasortaassanatik qinigassanngortissimassannatilluunniit, piffissamiillu innersuunneqarfimmit ukiuni tallimani kingullerni Kalaallit Nunaanni tusagassiutinut aningaasatigut atassuteqarsimassanatik. Ataatsimiititaliami ilaasortat tusagassiutinut aningaasatigut taamatut atassuteqalersut ataatsimiititaliamit ingerlaannaq tunuassapput, tamassumalu kingorna imm. 1 naapertorlugu ilaasortamik nutaamik toqqaasoqassalluni.*
- Imm. 3. Ilaasortat piffissamut ukiunut marlunnut toqqarneqartassapput, tak. § 18. Ilaasortat toqqaqqinnejqarsinnaapput.*
- Imm. 4. Tapiissuteqartarnermi ataatsimiititaliami ilaasortat Inatsisartunut Naalakkersuisunut il.il. ilaasortat akissarsiaat il.il. pillugit Inatsisartut inatsisaanni kapitali 7-imik malittarisassat malillugit akissarsiaqassapput, ullormusiaqassalutik angalanermilu aningaasartuutinik akiliunneqartassallutik.*

## Kapitali 4

### *Qinnuteqarnermi periuseq*

**§ 9.** Tapiissutinik qinnuteqaat tapiissuteqartarnermut ataatsimiititaliap allatseqarfianut tunniunneqareersimassaaq, tak. § 7, imm. 4, 1. maj – ullorsiutit malillugit ukiumi suliniutip aallartiffiani, taamaattoq tak. § 17.

*Imm. 2. Suliniutit tapiissutinik qinnuteqaatigisat tamarmik immikkut qinnuteqaasiunneqassapput.*

*Imm. 3. Qinnuteqaammut ilanngunneqassapput:*

- 1) suliniutip allaasereqqissaarnera,
- 2) aningaasartuutissatut isertitassatullu missingersuutit aamma aningaasalersuinissamut pilersaarut aamma
- 3) tusagassiutip qinnuteqartup ullorsiutit malillugit ukiumi siuliani naatsorsuutai, tusagassiut ukiumi qinnuteqarfiusumi pilersinneqarsimannngippat.

## Kapitali 5

### *Naatsorsuutit kukkunersiuinerlu*

**§ 10.** Suliniutip naammassineraniit kingusinnerpaamik qaammatit pingasut qaangiunneranni tapiiffigineqartut, tapiissutit atornerisa naatsorsuutaat atsiukkat Kultureqarnermut Naalakkersuisoqarfimmut nassiuutissavaat.

*Imm.* 2. Naatsorsuutit kukkunersiuisumit naalagaaffimmit akuerisaasumit imaluunniit kukkunersiuisutut nalunaarsukkamit kukkunersiorneqarsimassapput, kr. 150.000-inik qaangerlugilluunniit tapiissutisiarineqarsimappata.

**§ 11.** Kukkunersiuineq kukkunersiuinermi ileqqorissaarneq naapertorlugu ingerlanneqassaaq.

*Imm.* 2. Kukkunersiuinermi ilaatigut makku misissorneqassapput:

- 1) Tapiissutit siunertamut atorneqarsimanerat.
- 2) Tapiinermi piumasaqaatit piviusunngortinneqarsimanersut.
- 3) Sulinummut naatsorsuutit eqqortuunersut, pingaarutilinnik kukkuneqaratik amigaateqaratillu.
- 4) Tapiiffingeqartoq aningaasaqarnikkut naammaginartumik mianerinnissimanersoq, taamaalillunilu suliniutip piviusunngortinnissaa pisariaqanngitsunik aningaasartuutanani.
- 5) Paasissutissat, tapiiffingeqartup Kultureqarnermut Naalakkersuisoqarfimmut nalunaarutigisai, upernarsaatissaqarnersut.

*Imm.* 3. Kultureqarnermut Naalakkersuisoqarfik naatsorsuutinik ataasiakkaanik nakkutilliilluni misissuisassaaq.

**§ 12.** Tapiissutit kr. 150.000 ataappatigit kukkunersiuisoqassanngilaq.

*Imm.* 2. Tapiissutisisup naatsorsuutit atsiornerisigut upernarsassavaa, naatsorsuutit eqqortuusut tapiissutillu siunertamut atorneqarsimasut.

*Imm.* 3. Kr. 150.000 ataallugit tapiissutisoq tapiisartunit allamit allanilluunniit tapiiffingeqarsimaguni, tapiissutisoq tamanna pillugu Kultureqarnermut Naalakkersuisoqarfimmut upernarsaatinik nassitsissaaq.

*Imm.* 4. Kultureqarnermut Naalakkersuisoqarfip tapiissutisoq peqqusinnaavaa, suliniutip naammassinerani immersugassat nalunaarfissat Naalakkersuisoqarfimmit suliarineqarsimasut immersoriarlugit nassiateqqullugit.

## Kapitali 6

*Allaffissornikkut aqtsineq, nakkutilliineq pineqaatissiissutillu*

**§ 13.** Tapiissuteqartarnermik aaqqissuuussinermik allaffissornikkut aqtsineq Kultureqarnermut Naalakkersuisoqarfimmit tapiissuteqartarnermut ataatsimiititaliamut allatseqarfittut ingerlanneqassaaq.

*Imm.* 2. Paasissutissat tapiissuteqartarnermut tunngaviusut annertuunik allannguiteqarpata tapiissutisoq Kultureqarnermut Naalakkersuisoqarfimmut ingerlaannaq nalunaaruteqarnissamut pisussaaffeqarpoq.

**§ 14.** Tapiissuteqartarnermut ataatsimiititaliap tapiissutisisut tapiissutinik atuinerat aamma nalunaarut manna naapertorlugu tapiissutit pillugit malittarisassanik tapiissutisinissamullu piumasaqaataajunnartunik maleruaanerat nakkutigissavaa.

*Imm.* 2. Tapiissuteqartarnermut ataatsimiititaliap tapiissutisoq, paasissutissanik sulinummut tapiiffingeqartumut naleqqiullugu nakkutilliinissamut pisariaqartunik, qaqgukkulluunniit piniarfigisinnaavaa.

**§ 15.** Tapiissuteqartarnermut ataatsimiititaliap tapiissutinik tunniussineq unitsissinnaavaa, tapiissutisinissamut tunngaviit atorunnaartutut nalilerneqarpata.

*Imm.* 2. Tapiissuteqartarnermut ataatsimiititaliap tapiissutit tunniunneqartut tamakkiisumik ilaannakortumilluunniit uterteqqusinnaavai, ima pisqartillugu:

- 1) Tapiissutisisup tapiissutisinissamut piumasaqaatit eqquutsikkunnaarpagit, tamatumunnga ilanngullugu ingerlanniakkattut naatsorsuutigisat ingerlanneqannginnerat.

- 2) Tapiissutisisup tapiinissamut piumasaqaataajunnartut maleruanngippagit.
- 3) Tapiissutisoq kukkusunik eqqunngitsunilluunniit paasissutissiisimappat imaluunniit qinnuteqarnermini upfernarsaasiinerminiluunniit paasissutissat pingaarutillit nipangiutiinnarsimappagit.
- 4) Tapiissutisisup paasissutissat naapertuuttut nassiuukkumanngippagit, tamatumunnga ilanngulligit naatsorsuutit naliliinermilu immersugassaq.
- 5) Tapiissutisisup aningaasat tapiissutinik qinnuteqarnermini missingersersuutaasunik ikinnerusut atorsimappagit.

## Kapitali 7

*Atuutilersitsinermut ikaarsaariarnermullu aalajangersakkat*

**§ 16.** Nalunaarut manna tamanut ilisimatitsissutigineqarnermini atuutilissaq.

**§ 17.** Ullorsiutit malillugit ukumi 2015-imi suliniutinut tapiissutinik qinnuteqaatit Kultureqarnermut Naalakkersuisoqarfimmeeriissapput kingusinnerpaamik 1. november 2015.

**§ 18.** Tapiissuteqartarnermut ataatsimiitaliaq piffissamut 15. oktober 2015-imiit 30. september 2017-imut siullermeerluni toqqarneqassaaq.

*Namminersorlutik Oqartussat 8. oktober 2015*

Nivi Olsen

/

Mikael Kristensen

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

